

## PREMIOS E DOTACIÓN

O **PRIMEIRO PREMIO**, que consistirá para o centro docente nun vale por valor de mil euros (1.000 €) para a adquisición de material escolar, para o/a profesor/a e para o/a alumno/a nunha tableta.

**SEGUNDO PREMIO**, que consistirá para o centro docente nun vale por valor de cincocentos euros (500 €) euros para a adquisición de material escolar, para o/a profesor/a, nunha tableta e para o/a alumno/a, o premio consistirá nunha cámara de fotos deportiva.

## RESOLUCIÓN:

Criterios e procedemento de concesión dos premios.

- O xurado encargado de decidir e de resolver os premios estará integrado polos seguintes membros.
  - **Presidente:** conselleiro de Sanidade, ou persoa en quen delegue.
  - **Vicepresidente:** director de marketing de Gadisa, ou persoa en quen delegue.
  - **Vogais:** dous representantes designados pola Consellería de Educación, Universidade e Formación Profesional. Dous representantes da Axencia de Doazón de Órganos e Sangue: a directora da Axencia de Doazón de Órganos e Sangue ou persoa en quen delegue e a coordinadora autonómica de transplantes de dita Axencia, que ademais exercerá como secretaria do xurado.
- Para a concesión dos premios atenderase aos seguintes criterios:
  - A promoción e o fomento da doazón e/ou dos transplantes de órganos nos debuxos.
  - A calidade, cantidade e utilidade da información que ofrece.
- Logo de avaliados os debuxos, o xurado emitirá unha acta na que se concrete o resultado da avaliación efectuada. Notificaráselles aos premiados a hora e o lugar da entrega de premios, que se fará en acto público.
  - No caso de empate, o conselleiro de Sanidade terá voto dirimente.
  - Por proposta motivada do xurado, os premios poden quedar desertos.
- O prazo máximo para resolver e notificar a resolución será dun mes contado a partir do día seguinte ao de finalización do prazo de presentación dos debuxos.


Axencia de doazón  
de órganos e sangue  
(ADOS)



Información divulgativa

# VI Concurso

de debuxo e lemas para  
escolares relacionado coa  
**doazón e os transplantes**



a vida,  
o mellor agasallo

curso escolar  
**2018/19**

**ALUMNOS/AS DE 1º E 2º  
DE EDUCACIÓN SECUNDARIA OBRIGATORIA**

Coordinación Autonómica de Transplantes

AXENCIA DE DOAZÓN DE ÓRGANOS E SANGUE

**881 54 28 63**

Edificio administrativo San Lázaro  
15703 - Santiago de Compostela

[www.sergas.es](http://www.sergas.es)

# VI Concurso de debuxo e lemas

## OBXECTO:

Un dos obxectivos primordiais na concienciación da doazón de órganos é o deseño de intervencións educativas dirixidas a mellorar a opinión da doazón e os transplantes entre os máis novos. A formación dirixida a escolares permite dotar do coñecemento preciso na materia os cidadáns que se atopan nunha idade, dende o punto de vista intelectual e social, moi receptiva, que lles permitirá tomar conciencia desta problemática.

## FINALIDADE:

A Axencia de Doazón de Órganos e Sangue (ADOS), a Consellería de Educación, Universidade e Formación Profesional en colaboración con Gadisa Retail S.L.U. convocan un concurso de debuxo dirixido aos escolares para o curso escolar 2018/19 que teña como tema a doazón e os transplantes de órganos, co fin de acercar esta realidade á poboación escolar da nosa comunidade autónoma, de modo que o alumnado sexa capaz de valorar os beneficios para a cidadanía do fomento da doazón de órganos.

## DESTINATARIOS:

Poderán participar no concurso de debuxo o alumnado de **1º e 2º de educación secundaria obrigatoria (ESO)** de todos os centros educativos, tanto sostidos con fondos públicos coma privados, da Comunidade Autónoma Galega.

## INFORMACIÓN SOBRE O DESENVOLVEMENTO DO PROGRAMA:

1. En cada clase o docente realizará unha actividade formativa respecto a doazón e transplante de órganos que facilite a creación de ideas e que propicie o desenvolvemento da imaxinación do alumnado á hora de elaborar un debuxo.
2. A Coordinación Autonómica de Transplantes de ADOS facilitará aos centros interesados material de apoio sobre a doazón e o transplante para realizar a actividade formativa a través da súa páxina web <https://www.sergas.es/Doazon-e-Transplantes>.

## REQUISITOS:

Características dos debuxos:

1. O contido dos debuxos tratará sobre **a doazón e os transplantes de órganos**, e sobre todos os aspectos relacionados con estes.
2. Formato: Poderá realizarse en calquera técnica plástica, en formato horizontal ou vertical, coas medidas Din A3 (42 por 29,7 cm.).
3. Os debuxos deberán incluír unha frase ou lema en galego normativo relacionado co fomento da doazón de órganos.
4. Cada rapaz ou rapaza poderá presentar un só debuxo.
5. Normas de entrega dos debuxos:

### “VI Concurso de debuxos e lemas”

Coordinación de Transplantes de Galicia (ADOS)  
Consellería de Sanidade

Edificio Administrativo San Lázaro s/n  
15703 - Santiago de Compostela

No reverso de cada debuxo, deberá figurar a seguinte información:

Lema

Nome e apelido do/a autor/a

Curso

Docente que titoriza o cartel

Datos do centro: nome do centro, teléfono, correo electrónico e enderezo

6. Os debuxos que non cumpran os criterios determinados nas presentes bases serán eliminados, así como aqueles cuxo tema non sexa o sinalado nestas bases. Só poderán presentarse aqueles traballos que fosen realizados baixo a titorización do docente do centro educativo.
7. A Coordinación Autonómica de Transplantes de ADOS reserva para si a posibilidade de empregar os debuxos e lemas seleccionados polo xurado para a elaboración de traballos ou presentacións públicas e tamén de utilizalos como lema dalgunha campaña relacionada coas funcións da devandita oficina

## PRAZOS DE PRESENTACIÓN

O prazo de presentación das obras rematará o **30 de abril do 2019**.

